

Božo Ljubić

Izrazio je nezadovoljstvo odgovorom Vlade Federacije BiH, na pitanje postavljeno na 14. sjednici Doma, održanoj 24. novembra 2011., upućeno Ministarstvu odbrane BiH i Vladi Federacije BiH. Uz ostalo, rekao je sljedeće:

„Ja sam na 14. sjednici postavio poslaničko pitanje a koje se odnosilo na diskriminaciju radnika hrvatske i srpske nacionalnosti u namjenskoj industriji "Igman" iz Konjica koja je u većinskom državnom vlasništvu. Dobio sam najprije odgovor od Ministarstva odbrane da oni nisu nadležni, a onda sam dobio na prošloj sjednici od nadležnog federalnog ministarstva odgovor, odnosno jednostavno su prosljedili akt koji im je dala Uprava istog tog privrednog društva u kojem se, prema peticiji radnika koja je meni upućena, krše prava iz radnopravnog odnosa. Ja nisam tražio odgovor od namjenske industrije "Igman" Konjic, već od nadležnih institucija države BiH i Federacije BiH i od njih očekujem odgovor. Prema tome, tražim odgovor od nadležnih vlasti, u prvom redu u Federaciji BiH, a ne može se ni državno Ministarstvo odbrane eskupirati od odgovornosti za ovaj sektor, jer i ono ima u svom sastavu odgovarajuću službu, pa čak i zamjenika ministra koji vodi računa o ovim pitanjima.“

Pitanje postavljeno na 14. sjednici Doma, održanoj 24. novembra 2011., glasilo je:

„Šta Ministarstvo odbrane i vlasti u Federaciji BiH preduzimaju ili namjeravaju preduzeti da riješe praksu diskriminacije radnika na nacionalnoj osnovi u Privrednom društvu „Igman“ d.d. Konjic?“